

Truenorth Nordic ehf.  
Fiskislóð 31a  
101Reykjavík

Reykjavík, 3. september 2021  
UST202108-204/G.G.  
09.06.01

### **Efni: Umsókn um leyfi fyrir kvikmyndatöku - Dimmuborgir og Hverfjall við Mývatn og leyfi til aksturs utan vega við gosstöðvar**

Umhverfisstofnun hefur móttengið umsókn Truenorth Nordic ehf., dagsett 20.8.2021, um kvikmyndatöku við Hverfjall og Dimmuborgir. Jafnframt er sótt um leyfi vegna aksturs utan vega við gosstöðvar á Reykjanesi.

Hverfjall er friðlýst sem náttúruvætti sbr. auglýsing nr. 1261/2011. Óheimilt er að spilla gróðri í náttúruvættinu og óheimilt er að trufla dýralíf af ásetningi innan marka náttúruvættisins. Almennings er heimil för um náttúruvættið, en fylgja skal merktum stígum og leiðum í samræmi við fyrirmæli hverju sinni.

Myndataka við Hverfjall er ekki leyfisskyld skv. lýsingu á verkefninu en umsækjanda er bent á að ekki er leyfilegt að ganga utan stíga á fjallinu utanverðu. Jafnframt er umsækjanda bent á að fá leyfi landeiganda fyrir verkefninu.

Leyfi um akstur utan vega við gosstöðvarnar er sett í bið þar sem nánari upplýsingar um dagsetningu og akstursleiðir vantar.

Dimmuborgir eru friðlýstar sem náttúruvætti sbr. auglýsing nr. 1262/2011. Óheimilt er að hrófla við eða skemma á annan hátt jarðmyndanir, spilla gróðri eða trufla dýralíf í náttúruvættinu. Sérstakt leyfi Umhverfisstofnunar þarf fyrir öllum athöfnum og viðburðum svo sem stærri samkomum og kvikmyndun.

#### **Lýsing verkefnis:**

Í Dimmuborgum er sótt um leyfi til kvikmyndatöku á aðalsvæði. Um 8 manns koma að verkefninu og útbúnaður sem notaður verður eru þrjú jeppa til flutninga. Mögulega yrði gengið út fyrir stíga með myndavélar til að komast hjá því að malbik og fólk sjáist í mynd. Ekki verður klifrað upp í klettmyndanir á svæðinu. Dróni verður einnig notaður við myndatökuna og fylgir kort af fyrirhugaðri leið með umsókninni.

#### **Áhrifamat:**

Umhverfisstofnun telur verkefnið ekki líklegt til þess að hafa langtíma neikvæð áhrif á vernargildi Dimmuborga sé skilyrðum leyfisins fylgt. Leyfishafi skal upplýsa landverði í Mývatnssveit áður en verkefnið hefst og landvörður á að vera með í að velja staði þar sem farið er út fyrir stíga. Ef stjórnandi drónans verður var við fugla skal taka drónann niður samstundis. Gestir svæðisins geta orðið fyrir tímabundum áhrifum af verkefninu en mælst er til þess að valinn sé tími þar sem fæstir gestir eru á svæðinu, til dæmis snemma á morgnanna

eða seinni partinn. Starfsfólk verkefnisins skal vera merkt og stjórnandi drónans og það starfsfólk sem þarf nauðsynlega að fara út fyrir stíga skal vera áberandi merkt.

**Leyfishafi skal hafa samband við landvörð í Mývatnssveit á áður en farið er í verkefnið í Dimmuborgum og landvörður þarf að vera með þegar valinn er staður þar sem fara þarf út fyrir stíga.**

#### *Skilyrði:*

Umhverfisstofnun veitir Truenorth Nordic ehf. fyrir sitt leyti leyfi fyrir kvikmyndatöku innan náttúruvættisins Dimmuborga sbr. lýsingu hér að ofan 6., 7. og/eða 8. september 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Þar sem þörf er á að fara út fyrir göngustíga/vega skal þess gætt að valda sem minnstu raski og fjarlægja öll ummerki um athafnir utan göngustíga/vega að verkefni loknu.
- Virða skal umgengnisreglur sem gilda um svæðið.
- Óheimilt er að hrófla við jarðmyndunum. **Með öllu er óheimilt að fara upp á eða klifra í hraunmyndunum í Dimmuborgum.**
- Aldrei skal að fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Aldrei skal fljúga ómönnuðu loftfari nálægt dýrum eða fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.
- Flugtíma skal haldið í lágmarki og það skal fara fram utan þess tíma sem flestir gestir eru á svæðinu.
- Ef drónaflugið hefur truflandi áhrif á fugla- og/eða dýralífið skal því hætt samstundis.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, dýralíf, eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.
- Koma skal fyrir merkingum á tókustað um að leyfi fyrir verkefninu hafi fengist hjá Umhverfisstofnun.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er. Færri gestir heimsækja svæðið snemma morguns og síðdegis.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

***Leyfisgjald:***

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

***Eftirlit:***

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Arna Hjörleifsdóttir  
sérfræðingur

Guðbjörg Gunnarsdóttir  
sérfræðingur